

## Paerewa Paetae

**Aronga** Hauora 2.3

**Ingoa** Te arotake i tētahi kaupapa tiaki taiao i runga i te tirohanga Māori

<b>Kaupae</b>	2	<b>Whiwhinga</b>	5	<b>Aromatawai</b>	Ā-roto
<b>Marau akoranga</b>	Te Marautanga o Aotearoa				
<b>Kokonga akoranga</b>	Hauora - Wāhanga Ako				
<b>Mana rēhita</b>	Kua rēhitatia	<b>Te rā i mana ai</b>	19 Whiringa-ā-rangi 2015		
<b>Te rā e arotakengia ai</b>	31 Hakihea 2018	<b>Te rā i puta ai</b>	19 Whiringa-ā-rangi 2015		

### Te Hononga ki te Marautanga

I ahu mai tēnei paerewa paetae i te Taumata 7 o *Te Marautanga o Aotearoa*, i whakaputaina e Te Pou Taki Kōrero i te tau 2008.

### Whāinga Paetae

*Taiao, Hononga ki a Ranginui rāua ko Papatūānuku*

1 *Ka whakawhanake, ka whakatinana, ka arotake hoki i tētahi kaupapa tiaki taiao e whakauru ana i ngā tikanga mai i te tirohanga Māori.*

*Taiao, Hononga ki ētahi atu Taiao*

3 *Ka arotake i te wāhi ki ngā ture, ngā kaupapa here me ngā tikanga, e ea ai te matatika pāpori, ahakoa i te kura, i te hāpori rānei.*

E hono ana ki te Papa Whakaako mō te Hauora kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

### Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

**Paerewa Paetae**

<p><b>Paetae</b> Te arotake i tētahi kaupapa tiaki taiao i runga i te tirohanga Māori.</p>	<p>Hei tohu i te paetae:</p> <ul style="list-style-type: none"> <li>• Ka whakaahua i: <ul style="list-style-type: none"> <li>– ngā waiaro, ngā uara me ngā whakapono o te iwi ki tētahi kaupapa tiaki taiao whakaharahara</li> <li>– ngā tirohanga a ētahi atu tāngata, rōpū rānei ki te kaupapa tiaki taiao</li> <li>– te kaha, te kore kaha rānei o te kaupapa tiaki taiao ki te whakaata i te tirohanga Māori.</li> </ul> </li> <li>• Ka whai whakaaro mō te whakapakari ake i te kaupapa tiaki taiao kia whakaataria ai te tirohanga Māori.</li> </ul>
<p><b>Kaiaka</b> He kaiaka te arotake i tētahi kaupapa tiaki taiao i runga i te tirohanga Māori.</p>	<p>Hei tohu i te kaiaka:</p> <ul style="list-style-type: none"> <li>• Ka whakamārama i: <ul style="list-style-type: none"> <li>– ngā waiaro, ngā uara me ngā whakapono o te iwi ki tētahi kaupapa tiaki taiao whakaharahara</li> <li>– ngā tirohanga a ētahi atu tāngata, rōpū rānei ki te kaupapa tiaki taiao</li> <li>– te kaha, te kore kaha rānei o te kaupapa tiaki taiao ki te whakaata i te tirohanga Māori.</li> </ul> </li> <li>• Ka whakapuaki whakaaro mō te whakapakari ake i te kaupapa tiaki taiao kia whakaataria ai te tirohanga Māori.</li> </ul>
<p><b>Kairangi</b> He kairangi te arotake i tētahi kaupapa tiaki taiao i runga i te tirohanga Māori.</p>	<p>Hei tohu i te kairangi:</p> <ul style="list-style-type: none"> <li>• Ka whakamārama me pēhea te whakapakari ake i te kaupapa tiaki taiao kia whakaataria ai te tirohanga Māori, ā, ka tautoko hoki ngā whakaaro ki ngā kōrero taunaki.</li> </ul>

**Kōrero Āpiti**

E whai ake nei ngā whakamārama o ngā tino kupu, kīanga rānei:

<p>kaupapa tiaki taiao</p>	<p>Koinei ētahi kaupapa tiaki taiao hei whāwhā mā te ākongā:</p> <ul style="list-style-type: none"> <li>• ngā pānga o ngā pāpuni ki: <ul style="list-style-type: none"> <li>– ngā ika, ngā kai</li> <li>– te rerenga o te awa</li> <li>– ngā wāhi hī, ngā wāhi kaukau.</li> </ul> </li> <li>• te pānga o te turaki i ngā rākau ki: <ul style="list-style-type: none"> <li>– te whakatipu kai</li> <li>– te nōhanga o ngā manu, o ngā pepeke me ngā ngokingoki a Tāne</li> <li>– te takoto o te whenua.</li> </ul> </li> <li>• ngā kaupapa a te tangata: <ul style="list-style-type: none"> <li>– ngā pāmu</li> <li>– te whakatū taiepa, te wehewehe whenua</li> <li>– te whakatū whare, te mahi tauranga waka rererangi</li> <li>– te hanga rori hou</li> </ul> </li> </ul>
----------------------------	-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

	- te takahi wāhi tapu.
tirohanga Māori	Ko ngā āhuatanga pēnei i ngā tikanga, ngā kawa, ngā uara, ngā waiaro, ngā whakapono e āta hāpaitia ana, e arohia ana e te Māori.
whai whakaaro	Ka whakaputa whakaaro mō te kaupapa.
whakapuaki whakaaro	Ka whakaputa, ka whakaraupapa i ngā whakaaro. He whānui rānei, he hōhonu rānei, he hāngai rānei ngā whakaaro ki te kaupapa.

### Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233